



---

# **KERATAN AKHBAR DAN MEDIA ONLINE UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

**5 JULAI 2022 (SELASA)**



---

# **KERATAN AKHBAR DAN MEDIA ONLINE (KPDNHEP)**

---

**5 JULAI 2022 (SELASA)**



## KPDNHEP serbu premis jual minyak masak secara online

Oleh KAMARIAH KHALIDI

**PUTRAJAYA** — Kementerian Perdagangan Dalam Negeri dan Hal Ehwal Pengguna (KPDNHEP) berjaya menumpaskan aktiviti penjualan minyak masak secara online melalui platform e-dagang terkenal selepas menyerbu dua premis berasingan di Petaling Jaya dan Puchong, Selangor pada Jumaat lalu.

Pengarah Penguatkuasa KPDNHEP, Azman Adam berkata, serbuan pada pukul 12 tengah hari itu dijalankan tujuh anggota penguat kuasa KPDNHEP Selangor hasil aduan yang diterima daripada orang awam.

Menurutnya, sejumlah 255 kilogram (kg) minyak masak pekete bersubsidi dianggarkan bernilai RM637.50 dan 27 unit minyak masak botol sekilogram, 2kg dan 3kg berjumlah RM858 berjaya disita.

Jelas beliau, premis yang diserbu di Petaling Jaya merupakan sebuah kediaman yang disewa untuk dijadikan stor penyimpanan dan pembungkusan barang-barang runcit sebelum dijual secara online, manakala di Puchong pula melibatkan sebuah rumah kedai yang dijadikan stor penyimpanan.

"Serbuan ke atas premis di Petaling Jaya telah menemui sejumlah 255 kilogram minyak ma-



**PASUKAN** penguat kuasa KPDNHEP semasa menjalankan siasatan di sebuah premis di Puchong yang menjual minyak masak secara online pada Jumaat lalu. — IHSAN KPDNHEP

sak pekete bersubsidi bersama beberapa jenis barangan runcit lain yang akan dijual atau diedar kepada pelanggan secara online dan turut merampas beberapa dokumen perniagaan lain untuk siasatan.

"Pemeriksaan lanjut mendapati hanya barang kawalan minyak masak pekete satu kilogram sahaja ditemui dan premis gagal

mengemukakan sebarang dokumen kebenaran di bawah Akta Kawalan Bekalan 1961 daripada pengawal bekalan untuk berurusan niaga dengan barang kawalan berjadual itu.

"Hasil maklumat yang diperolehi, minyak masak pekete tersebut dijual pada harga RM2.50 bagi satu kilogram dan seorang lelaki tempatan yang

mengaku sebagai pembantu premis turut direkodkan keterangan bagi membantu siasatan," katanya dalam kenyataan semalam.

Kata Azman, pemeriksaan di Puchong pula berjaya menemui sejumlah minyak masak keemasan botol sekilogram, 2kg dan 3kg di dalam premis tersebut.

Tambah beliau, premis ber-

kenaan telah mengemukakan lesen runcit di bawah Akta Kawalan Bekalan 1961 yang masih sah tempoh, namun alamat didaftarkan dalam lesen didapati berbeza daripada alamat premis yang menyimpan barang-barang kawalan itu.

"Seorang wanita tempatan yang mengaku sebagai penyelia premis telah direkodkan keterangan kerana disyaki melakukan kesalahan di bawah Sekyen 20(1) Akta Kawalan Bekalan 1961 iaitu menyimpan barang yang dikawal selain dari premis yang dilisenkan.

"Kertas siasatan telah dibuka dan siasatan lanjut terhadap kedua-dua kes berkenaan akan dilakukan di bawah Akta Kawalan Bekalan 1961 bagi mengenal pasti rantaian pengedaran minyak masak terbabit termasuk maklumat dari mana bekalan minyak masak itu diperolehi," ujarnya.

Beliau turut memberi amaran keras kepada semua peniaga yang berurusan dengan barang kawalan dan bersubsidi terutamanya minyak masak supaya sentiasa mematuhi perundangan yang telah dikuatkuasakan dan kementerian tidak akan berkompromi dengan mana-mana pihak yang didapati melakukan penyelewengan melibatkan barang-barang kawalan.

**Putrajaya:** Dua premis di Petaling Jaya dan Puchong, Selangor diserbu sepasukan pegawai Kementerian Perdagangan Dalam Negeri dan Hal Ehwal Pengguna (KPDNHEP) selepas disyaki menjalankan aktiviti penjualan minyak masak secara dalam talian melalui platform e-dagang terkenal.

Pengarah Penguat Kuasa KPDNHEP Azman Adam berkata, serbuan di Petaling Jaya, Selangor membabitkan sebuah kediaman disewa manakala di Puchong, Selangor adalah rumah kedai.

Menurutnya, kedua-dua premis dijadikan stor penyimpanan dan pembungkusan barang runcit untuk

## 2 premis disyaki jual minyak masak online diserbu



**Serbuan di Petaling Jaya, Selangor membabitkan sebuah kediaman disewa manakala di Puchong, Selangor adalah rumah kedai**

**Azman**

dijual secara dalam talian.

Beliau berkata, serbuan terhadap premis di Petaling Jaya itu berjaya menemukan 255 kilogram (kg) minyak

masak pekiet 1 kg bersubsidi dan barang runcit lain yang disimpan.

"Berdasarkan maklumat, minyak masak dijual pada harga RM2.50/kg.

"Hasil pemeriksaan hanya barang kawalan minyak masak pekiet 1kg saja ditemukan. Pemilik premis gagal mengemukakan dokumen kebenaran di bawah Akta Kawalan Bekalan 1961 daripada Pengawal Bekalan untuk mengurus niaga dengan barang kawalan berjadual itu," katanya.

Beliau berkata, premis itu diambil tindakan kerana

disyaki melakukan kesalahan mengikut Seksyen 16 Akta Kawalan Bekalan 1961 iaitu menjual barang kawalan tanpa lesen dan Subperaturan 3(1) Peraturan-Peraturan Kawalan Bekalan 1974, iaitu mana-mana individu tidak boleh berurusan secara borong dan runcit apa-apa barang berjadual tanpa lesen yang dikeluarkan di bawah Peraturan 4 akta yang sama.

Menurutnya, selain minyak masak, dokumen perniagaan lain disita untuk siasatan lanjut dengan nilai rampasan RM637.50 mana-

kala seorang lelaki warga tempatan mengaku sebagai pembantu dan pekerja premis direkodkan keterangan bagi membantu siasatan.

"Dalam pemeriksaan ke atas premis di Puchong pula, pasukan KPDNHEP menemui minyak masak botol 1kg, 2kg dan 3kg dalam premis.

"Hasil pemeriksaan lanjut, pihak premis mengemukakan lesen runcit di bawah Akta Kawalan Bekalan 1961 yang masih sah tempohnya. Namun alamat didaftarkan dalam lesen berbeza daripada alamat premis menyimpan barang kawalan," katanya.

Azman berkata, seorang wanita tempatan mengaku sebagai penyelia premis direkodkan keterangan bagi membantu siasatan kerana disyaki melakukan kesalahan di bawah Seksyen 20(1) Akta Kawalan Bekalan 1961 iaitu menyimpan apa-apa barang dikawal selain daripada premis dilesenkan.

Menurutnya, 27 minyak masak kemasan botol 1kg, 2kg dan 3kg disita bersama beberapa dokumen perniagaan lain untuk siasatan lanjut dengan nilai keseluruhan rampasan dianggarkan RM858.

# Penjual minyak masak online tumpas

KPDNHEP rampas  
255 kilogram  
minyak masak peket  
bersubsidi

Oleh **TUAN BUQHAIRAH**  
**TUAN MUHAMAD ADNAN**  
dan **NUR IFTITAH ROZLAN**  
**PUTRAJAYA**

**K**ementerian Perdagangan Dalam Negeri dan Hal Ehwal Pengguna (KPDNHEP) merampas 255 kilogram (kg) minyak masak peket polibeg bersubsidi di sebuah premis di Petaling Jaya dalam operasi serbuan pada Jumaat lalu.

Pengarah Penguat Kuasa KPDNHEP, Azman Adam berkata, serbuan tersebut merupakan operasi membanteras aktiviti penjualan minyak masak secara dalam talian melalui platform e-dagang terkenal.

"Hasil pemeriksaan lanjut mendapati hanya barang kawalan

minyak masak peket 1kg ditemui dan premis gagal mengemukakan sebarang dokumen kebenaran di bawah Akta Kawalan Bekalan 1961 daripada Pengawal Bekalan untuk berurusan dengan barang kawalan berjadual itu," katanya.

Sinar Harian pada 27 Jun lalu melaporkan taktik peniaga menjual minyak masak peket secara online untuk mendapat untung berganda.

Pembeli yang terdesak pula mengakui terpaksa membeli di platform online walaupun harganya mahal kerana kesukaran mendapatkan bekalan di pasaran serta harga lebih rendah berbanding minyak masak botol.

Sabtu lalu pula, Pasukan Khas Jihad Tangani Inflasi mengesahkan berlaku penyelewengan minyak masak bersubsidi yang dijual kepada peniaga untuk tujuan komersial di platform e-dagang.

Penyelewengan itu menyebabkan bekalan minyak masak bersubsidi iaitu peket polibeg sekilogram dalam negara menjadi tidak mencukupi.

Dalam pada itu Azman menambah, selain minyak masak,



KPDNHEP menumpaskan aktiviti penjualan minyak masak secara dalam talian di Puchong dan Petaling Jaya, Jumaat lalu.

turut disita beberapa dokumen perniagaan dengan jumlah keseluruhan rampasan dianggarkan RM637.50.

"Pasukan serbuan telah mengambil tindakan ke atas premis terbabit kerana disyaki melakukan kesalahan di bawah Seksyen 16 Akta Kawalan Bekalan 1961 iaitu menjual barang kawalan tanpa lesen dan Subperaturan 3(1)

berjadual tanpa lesen yang dikeluarkan di bawah Peraturan 4 Akta yang sama," katanya dalam kenyataan pada Isnin.

Beliau berkata, pada hari sama, KPDNHEP turut melakukan serbuan berasingan di Puchong, Selangor dan merampas 27 unit minyak masak kemasan botol 1kg, 2kg dan 3kg dengan nilai keseluruhan RM858.

"Hasil pemeriksaan lanjut, pihak premis telah mengemukakan lesen runcit di bawah Akta Kawalan Bekalan 1961 yang masih sah tempohnya namun alamat didaftarkan dalam lesen itu berbeza daripada alamat premis yang menyimpan barang-barang kawalan terbabit," katanya.

Peraturan-Peraturan Kawalan Bekalan 1974, iaitu mana-mana orang tidak boleh berurusan secara borong dan runcit apa-apa barang

Keratan Sinar Harian  
27 Jun 2022.



## Two premises selling cooking oil and groceries online raided

**PUTRAJAYA:** Two premises in Petaling Jaya and Puchong were raided on July 1 on suspicion of selling cooking oil online via e-commerce platforms in violation of the Control of Supplies Act 1961.

In Petaling Jaya, a rented house was raided, while in Puchong the operation was run out of a shop-house. Both premises were also used to store and package groceries.

According to Bernama, Domestic Trade and Consumer Affairs Ministry's (KPDNHEP) enforcement director, Azman Adam said the raid in Petaling Jaya found 255kg of subsidised cooking oil in 1kg packets and groceries meant for sale online.

"The operators also failed to produce a permit or document under the Control of Supplies Act 1961," he said in a statement yesterday.

He added that the 1kg packet of cooking oil was sold at RM2.50 each.

Also seized were several business-related documents, with the total value of the seizure estimated at RM637.50.

In Puchong, the team found 27 units of 1kg, 2kg and 3kg bottles of cooking oil stored at the premises.

"The operator produced a valid retail licence under the Control of Supply Act 1961 but the address registered on the licence was different from the address of the premises that stores the items," he said.

A statement from a local woman who claimed to be the supervisor was recorded as she was suspected of committing an offence under Section 20 (1) of the Control of Supply Act 1961. The total value of the seizure was estimated at RM858, he said.

Azman added that investigation papers were opened and further investigation into the two cases would be conducted under the Control of Supplies Act 1961 to track the cooking oil distribution chain and its supply source.

He said companies could also be investigated under the Anti-Money Laundering, Anti-Terrorism Financing and Proceeds from Unlawful Activities Act 2001 (Act 613).

"KPDNHEP is warning traders who deal in subsidised goods, especially cooking oil, to comply with the existing laws, and the ministry will not compromise with the parties involved in the misappropriation of controlled goods," he said.

## 2 premises raided over alleged Supplies Act offences

**PUTRAJAYA:** Two premises in Petaling Jaya and Puchong were raided on July 1 over alleged offences under the Control of Supplies Act 1961.

The raid in Petaling Jaya involved a rented house while the one in Puchong involved a shophouse. Both premises were being used for the storage and packaging of groceries for sale online.

Domestic Trade and Consumer Affairs Ministry enforcement director Azman Adam said the raid on the premises in Petaling Jaya found, among other things, 255kg of subsidised cooking oil in 1kg packets and other groceries.

"The operator failed to produce a permit or documents under the Control of Supplies

Act to deal with the sale and supply of controlled goods," he said in a statement yesterday.

"Action was taken against the premises owner on suspicion of committing an offence under Section 16 of the Control of Supplies Act 1961 and subregulation 3(1) of the Control of Supplies Regulations 1974."

He added that from the information obtained, each 1kg packet of cooking oil was sold at RM2.50.

Police also seized several other business documents for further investigation.

The total value of the seized items was RM637.50.

A statement from a local man, who claimed to be an employee, was recorded to

assist with investigations.

Meanwhile, in the raid on the premises in Puchong, the police found 27 1kg, 2kg and 3kg bottles of cooking oil.

"The premises produced a valid retail licence as required by the Control of Supply Act 1961, but the address on the licence was different from that of the premises where the controlled items were stored.

"A statement from a local woman, who claimed to be the supervisor of the premises, was recorded to assist with investigations as she was suspected of committing an offence under Section 20(1) of the Control of Supply Act 1961.

"The total value of the seized items in the second raid was RM858," he said. - Bernama

## Laksana pengauditan pengeluaran minyak masak

**Kuala Lumpur:** Kerajaan akan melaksanakan operasi pengauditan dan pemutihan secara komprehensif meliputi 22 pengeluaran dan 305 premis pembungkusan semula minyak masak paket yang beroperasi di seluruh negara.

Perdana Menteri, Datuk Seri Ismail Sabri Yaakob berkata, operasi itu bertujuan mendapatkan status sebenar mengenai jumlah minyak masak paket yang dikeluarkan oleh syarikat pengeluaran dan pembungkusan serta maklumat lengkap penerima minyak masak bersubsidi itu.

"Kerajaan mengerahkan pihak penguatkuasa yang terdiri daripada Kementerian Perdagangan Dalam Negeri dan Hal Ehwal Pengguna (KPDNHEP), Polis Diraja Malaysia (PDRM) dan Angkatan Tentera Malaysia (ATM) untuk menggempur dari peringkat kilang pembungkusan hingga ke sempadan negara untuk memastikan tidak berlaku sebarang penyelewengan.

"Langkah ini demi memastikan peruntukan subsidi minyak masak sebanyak RM4 bilion yang disalurkan tahun ini untuk mengurangkan beban Keluarga Malaysia tidak tiris

dalam setiap peringkat rantaian serta sampai kepada pengguna," katanya dalam kenyataan, semalam.

Ismail Sabri berkata, beliau juga mempengerusikan mesyuarat Majlis Tindakan Kos Sara Hidup Negara (Naccol), semalam.

Mesyuarat dihadiri beberapa Menteri Kabinet serta wakil dari Jabatan Perangkaan Malaysia, Institut Penyelidikan Ekonomi Malaysia, Institut Penyelidikan Khazanah, Majlis Tindakan Ekonomi Melayu, Kongres Kesatuan Pekerja-Pekerja Dalam Perkhidmatan Awam, Gabungan Persatuan-Persatuan Pengguna Malaysia dan Persatuan Rantaian Peruncit Malaysia.

Menurutnya, tindakan tegas termasuk membatalkan kuota dan lesen yang sudah diberikan kepada pengilang dan juga pembungkus akan diambil dalam usaha menangani ketirisan pengedaran minyak masak bersubsidi.

"Perangkaan semasa menunjukkan edaran minyak masak paket bersubsidi di dalam negara berjumlah 60,000 metrik tan sebulan adalah melebihi daripada penggunaan isi rumah dalam negara," katanya.

## Subsidised cooking oil sufficient so far, says Jeck Seng

**BENTONG:** The subsidised cooking oil quota of 55,000 metric tonnes per month or 660,000 metric tonnes a year has been sufficient so far, says Deputy Plantation Industries and Commodities Minister Datuk Seri Dr Wee Jeck Seng.

He said there were, however, recent complaints about the lack of supply of subsidised cooking oil, adding that the issue would be extended to the Domestic Trade and

Consumer Affairs Ministry for further action.

"Before this, there was no issue, only during certain seasons, and like recently, it has been said not to be not enough.

"We have to see why this happened because the amount allocated is enough.

"We know the allocation so far has not been an issue because for B40, the subsidy for (cooking) oil

priced at RM2.50 (per kilo) is still there, and there is no shortage.

"In my opinion, if it is true that there is not enough (cooking oil supply), the quota can be increased," he told reporters after attending the #KehargaMalaysia Agricommodity Tour Programme organised by the Malaysian Palm Oil Board here yesterday.

On the Sarawak government's recent policy of restricting the use

of land for oil palm cultivation to focus on strengthening the food industry, Wee said his ministry would need to get further details regarding the matter.

"It has just been announced and we need to discuss the purpose and its effects because oil palm is also a source of income," Wee was quoted by Bernama as saying.

Sarawak Premier Tan Sri Abang Johari Tun Openg was reported to

have said that through the policy, the state also emphasised the use of technology such as the Internet of Things (IoT) in maximising crop yields and adding value to the food industry.

During the event Wee also presented Malaysian Sustainable Palm Oil (MSPO) certificates and aid of between RM3,000 to RM15,000 under the Integration Assistance Scheme to smallholders.

# Amaran batalkan lesen 1,000 syarikat pengedar minyak

Oleh AHMAD  
FADHLULLAH ADNAN  
fadhullah.adnan@mediamula.com.my

**PETALING JAYA:** Kerajaan melaksanakan program pemutihan minyak masak peket bagi mengatasi ketirisan yang menyebabkan kerugian jutaan ringgit dan kekurangan bekalan.

Putrajaya juga memberi amaran pembatalan lesen kepada ratusan syarikat yang terbabit dalam pengedaran minyak masak bersubsidi itu.

Perdana Menteri, Datuk Seri Ismail Sabri Yaakob berkata, perkara itu dipersetujui selepas beliau mempengerusikan mesyuarat

Majlis Tindakan Kos Sara Hidup Negara (NACCOL).

Katanya, operasi pengauditan dan pemutihan secara komprehensif itu meliputi 22 pengeluar dan 305 premis pembungkusan semula minyak masak peket di seluruh negara.

“Operasi ini bertujuan mendapatkan status sebenar jumlah minyak masak peket yang dikeluarkan syarikat pengeluaran dan pembungkusan serta maklumat lengkap penerima minyak masak bersubsidi itu.

“Perangkaan semasa menunjukkan edaran minyak masak peket bersubsidi di dalam negara berjumlah 60,000 metrik tan se-

bulan adalah melebihi daripada penggunaan isi rumah dalam negara.

“Langkah ini demi memastikan peruntukan subsidi minyak masak sebanyak RM4 bilion yang disalurkan tahun ini untuk mengurangkan beban Keluarga Malaysia tidak tiris dalam setiap peringkat rantai serta sampai kepada pengguna,” katanya dalam satu kenyataan, semalam.

Menurut Perdana Menteri, tindakan tegas termasuk membatalkan kuota dan lesen yang diberikan kepada pengilang dan pembungkus boleh diambil dalam usaha menangani ketirisan pengedaran minyak masak

bersubsidi.

“Kerajaan telah mengerahkan pihak penguatkuasa yang terdiri daripada Kementerian Perdagangan Dalam Negeri Dan Hal Ehwal Pengguna, Polis Diraja Malaysia dan Angkatan Tentera Malaysia untuk menggempur dari peringkat kilang pembungkusan sehingga ke sempadan negara untuk memastikan tidak berlaku sebarang penyelewengan,” ujarnya.

Dalam masa sama, Ismail Sabri berkata, kerajaan akan memperhebat Program Jualan Keluarga Malaysia (PIKM) pada sepanjang masa dengan jualan barangan keperluan asas pada harga yang lebih murah.

# Gempur kilang, kawal sempadan

Majlis Tindakan Kos Sara Hidup Negara dalam mesyuaratnya semalam, membuat beberapa ketetapan tegas untuk mendepani isu sekuriti makanan yang dihadapi rakyat sejak kebelakangan ini, khususnya membabitkan minyak masak paket bersubsidi

- Membuat pengauditan dan pemutihan 22 pengeluar, 305 premis pembungkusan semula minyak masak paket
- Mendapatkan jumlah sebenar minyak masak paket dikeluarkan syarikat pengeluaran, pembungkusan dan maklumat lengkap penerima subsidi
- Batal kuota, lesen pengilang, pembungkus seleweng minyak masak bersubsidi
- Kerah penguat kuasa KPDNHEP, PDRM, ATM gempur dari peringkat kilang pembungkusan hingga ke sempadan negara untuk elak penyelewengan
- Perkenal Menu Keluarga Malaysia di restoran, koperasi, kafeteria, premis jualan makanan di institusi pengajian tinggi sebagai pilihan bagi mendapatkan harga berpatutan
- Pastikan peruntukan subsidi RM4 bilion tidak tiris pada semua peringkat



# NACCOL ambil tindakan tegas atasi isu minyak masak paket

**Pasukan penguat kuasa diarah perketat pemeriksaan di sempadan**

Oleh Suzalina Halid  
suzalina@bh.com.my

**Putrajaya:** Majlis Tindakan Kos Sara Hidup Negara (NACCOL) dalam mesyuaratnya di sini, semalam sudah membuat beberapa ketetapan tegas untuk mendepani isu sekuriti makanan yang dihadapi rakyat sejak kebelakangan ini, khususnya membabitkan minyak masak berpakat.

Antara ketetapan yang diambil mesyuarat NACCOL yang dipe-

tut Seri Ismail Sabri Yaakob adalah untuk mengerah penguat kuasa Kementerian Perdagangan Dalam Negeri Dan Hal Ehwal Pengguna (KPDNHEP), Polis Diraja Malaysia (PDRM) dan Angkatan Tentera Malaysia (ATM) untuk menggempur kilang pembungkusan minyak masak berpakat yang disyaki melakukan penyelewengan.

Pasukan penguat kuasa itu juga diarah memperketatkan pemeriksaan di sempadan negara bagi mengawal kemungkinan berlaku penyelewengan dan penyeludupan bahan asas makanan itu.

Ismail Sabri berkata, kerajaan juga akan melaksanakan operasi pengauditan dan pemutihan secara komprehensif membabitkan semua 22 pengeluar serta 305 premis pembungkusan semula minyak masak paket yang beroperasi di seluruh negara.

Katanya, operasi pengauditan

dan pemutihan itu bertujuan bagi mendapatkan status sebenar mengenai jumlah minyak masak paket yang dikeluarkan oleh syarikat pengeluaran dan pembungkusan serta maklumat lengkap penerima minyak masak bersubsidi itu.

"Langkah itu bagi memastikan peruntukan subsidi minyak masak sebanyak RM4 bilion yang disalurkan pada tahun ini untuk mengurangkan beban Keluarga Malaysia tidak berlaku ketirisan dalam setiap peringkat rantaian serta ia sampai kepada pengguna.

"Tindakan tegas, termasuk membatalkan kuota dan lesen yang diberikan kepada pengilang dan pembungkus akan diambil dalam usaha menangani ketirisan pengedaran minyak masak bersubsidi," katanya dalam kenyataan di sini, semalam.

Mesyuarat NACCOL semalam turut dihadiri beberapa menteri Kabinet serta wakil Jabatan Pe-

rangkasan Malaysia (DOSM), Institut Penyelidikan Ekonomi Malaysia (MIER), Institut Penyelidikan Khazanah (KRI), Majlis Tindakan Ekonomi Melayu (MTEM), Kongres Kesatuan Pekerja-Pekerja Dalam Perkhidmatan Awam (CUEPACS), Gabungan Persatuan-Persatuan Pengguna Malaysia (FOMCA) dan Persatuan Rantaian Peruncit Malaysia (MRCA).

Dalam mesyuarat itu, lima ker-  
tas dibentangkan oleh KPDNHEP, Kementerian Perusahaan Perdagangan dan Komoditi serta DOSM.

Bermula 1 Julai lalu, kerajaan memansuhkan program subsidi sementara merangkumi minyak masak berbotol bagi 1 kilogram (kg), 2kg, 3kg dan 5kg, membatalkan peruntukan berjumlah RM55 juta sebulan.

Namun kerajaan mengekalkan subsidi minyak masak berpakat dengan peruntukan RM4 bilion

sepanjang tahun ini.

Subsidi itu ditanggung kerajaan untuk minyak masak berpakat bagi membolehkan ia dijual pada harga RM2.50 sekilogram, berbanding harga pasaran sebenarnya iaitu RM9 sekilogram.

Ismail Sabri juga menjelaskan edaran minyak masak paket bersubsidi di dalam negara berjumlah 60,000 tan sebulan adalah melebihi daripada penggunaan isi rumah dalam negara. Perangkaan menunjukkan jumlah penggunaan minyak masak berpakat di seluruh negara hanya 55,000 tan sebulan.

Sementara itu, Perdana Menteri berkata, NACCOL juga ber-setuju bahawa sekuriti makanan dijadikan keutamaan dalam konteks Keselamatan Dalam Negeri bagi mengatasi masalah berke-  
naan yang menyebabkan peningkatan kos sara hidup rakyat Malaysia.

KPDNHEP, PDRM dan ATM dikerah pantau dari kilang hingga ke sempadan negara

# Gempur penyeleweng minyak peket

Oleh RIDZAUDDIN ROSLAN

**PUTRAJAYA** – Kerajaan mengerahkan Kementerian Perdagangan Dalam Negeri Dan Hal Ehwal Pengguna, Polis Diraja Malaysia (PDRM) dan Angkatan Tentera Malaysia (ATM) untuk menggempur dari peringkat kilang pembungkusan sehingga ke sempadan negara untuk memastikan tidak berlaku sebarang penyelewengan minyak masak peket.

Perdana Menteri, Datuk Seri Ismail Sabri Yaakob berkata, pagi semalam beliau telah memimpin mesyuarat Majlis Tindakan Kos Sara Hidup Negara (NACCOL).

Ujar beliau, sebanyak lima kertas telah dibentangkan dalam mesyuarat itu oleh tiga kementerian iaitu daripada KPDNHEP, Kementerian Perusahaan Perladangan dan Komoditi serta Jabatan Perangkaan Malaysia (DOSM).

"Mesyuarat telah membuat keputusan akan melaksanakan



**KERAJAAN turut mengerahkan Angkatan Tentera Malaysia (ATM) untuk memastikan tidak berlaku sebarang penyelewengan minyak masak peket bersubsidi.**

operasi pengauditan dan pemu-  
tihan secara komprehensif, meli-  
puti 22 pengeluar dan 305 premis  
pembungkusan semula minyak  
masak peket yang beroperasi di  
seluruh negara.

"Operasi ini bertujuan men-  
dapatkan status sebenar mende-  
ngai jumlah minyak masak peket  
yang dikeluarkan oleh syarikat

pengeluaran dan pembungkusan  
serta maklumat lengkap pen-  
erima minyak masak bersubsidi  
itu," katanya dalam kenyataan  
semalam.

Dalam pada itu, kata beliau,  
kerajaan telah mengerahkan  
pihak penguat kuasa yang terdiri  
daripada KPDNHEP, PDRM dan  
ATM untuk menggempur dari

peringkat kilang pembungkusan  
sehingga ke sempadan negara  
untuk memastikan tidak berlaku  
sebarang penyelewengan.

"Langkah ini demi memasti-  
kan peruntukan subsidi minyak  
masak sebanyak RM4 bilion yang  
disalurkan pada tahun ini untuk  
mengurangkan beban Keluarga  
Malaysia tidak tiris dalam setiap

peringkat rantaian serta sampai  
kepada pengguna.

"Tindakan tegas termasuk  
membatalkan kuota dan lesen  
yang telah diberikan kepada  
pengilang dan pembungkus akan  
diambil dalam usaha menangani  
ketirisan pengedaran minyak  
masak bersubsidi," katanya.

Perdana Menteri berkata, pe-  
rangkakan semasa menunjukkan  
edaran minyak masak peket ber-  
subsidi di dalam negara berjum-  
lah 60,000 metrik tan sebulan  
adalah melebihi daripada peng-  
gunaan isi rumah dalam negara.

"Mesyuarat juga bersetuju  
sekuriti makanan dijadikan keu-  
tamaan dalam konteks keselama-  
tan dalam negeri bagi mengatasi  
masalah ini yang menyebabkan  
peningkatan kos sara hidup Kelu-  
arga Malaysia.

"Kerajaan akan memperhebat  
Program Jualan Keluarga Malay-  
sia (PJKM) pada setiap masa de-  
ngan menawarkan jualan bara-  
ngan keperluan asas pada harga  
lebih murah," tambah beliau.

Untuk pastikan tiada penyelewengan minyak masak bersubsidi dari kilang ke sempadan - PM

PUTRAJAYA

**K**erajaan mengerahkan penguat kuasa Kementerian Perdagangan Dalam Negeri dan Hal Ehwal Pengguna, (KPDNHEP), polis dan Angkatan Tentera Malaysia (ATM) untuk mengempur penyelewengan minyak masak bersubsidi dari peringkat kilang sehingga ke sempadan negara.

Perdana Menteri, Datuk Seri Ismail Sabri Yaakob berkata, langkah itu dibuat bagi memastikan peruntukan subsidi minyak masak sebanyak RM4 bilion yang disalurkan pada tahun ini bagi mengurangkan beban Keluarga Malaysia tidak tiris dalam setiap peringkat rantai serta sampai kepada pengguna.

"Tindakan tegas termasuk membatalkan kuota dan lesen yang telah diberikan kepada pengilang dan pembungkus akan diambil dalam usaha menangani ketirisan pengedaran minyak masak bersubsidi," katanya.

Beliau berkata demikian dalam satu kenyataan selepas mempengerusikan Mesyuarat Majlis Tindakan Kos Sara Hidup Negara (NACCOL) pada Isnin.

Menurutnya, perangkaan semasa menunjukkan edaran minyak masak pekete bersubsidi di

# Kerajaan kerah KPDNHEP, polis, ATM



Penguat kuasa KPDNHEP kini dikerah untuk memastikan tidak berlaku penyelewengan minyak masak bersubsidi.

dalam negara berjumlah 60,000 metrik tan sebulan adalah melebihi daripada penggunaan isi rumah dalam negara.

"Mesyuarat telah membuat keputusan akan melaksanakan operasi pengauditan dan pemutihan secara komprehensif, meliputi 22 pengeluar dan 305 premis pembungkusan semula minyak masak pekete yang

beroperasi di seluruh negara," katanya.

Beliau berkata, operasi itu bertujuan mendapatkan status sebenar mengenai jumlah minyak masak pekete yang dikeluarkan oleh syarikat pengeluaran dan pembungkusan serta maklumat lengkap penerima minyak masak bersubsidi tersebut.

"Mesyuarat juga bersetuju se-

kuriti makanan dijadikan keutamaan dalam konteks keselamatan dalam negeri bagi mengatasi masalah ini yang menyebabkan peningkatan kos sara hidup," kata beliau.

Mengulas lanjut, Ismail Sabri berkata, kerajaan pada masa sama akan memperhebat Program Jualan Keluarga Malaysia (PJKM) sepanjang masa dengan jualan barangan keperluan asas pada harga yang lebih murah.



## Kuota minyak masak subsidi mencukupi

**BENTONG** - Kuota minyak masak bersubsidi yang diperuntukkan sebanyak 55,000 tan metrik sebulan atau 660,000 tan metrik setahun mencukupi setakat ini, kata Timbalan Menteri Perusahaan Perladangan dan Komoditi, Datuk Seri Dr Wee Jeck Seng.

Bagaimanapun, beliau berkata terdapat aduan yang diterima mengenai kekurangan bekalan minyak masak bersubsidi dan pihaknya akan memanjangkan isu berkenaan kepada Kementerian Perdagangan Dalam Negeri dan Hal Ehwal Pengguna (KPDNHEP) untuk tindakan lanjut.

"Sebelum ini tak ada isu pun, cuma musim-musim tertentu seperti baru-baru ini dikatakan tidak cukup... kita kena lihat mengapa perkara ini berlaku... kerana dalam jumlah diperuntukkan memang cukup, tetapi apabila turun padang tak cukup minyak masak," katanya selepas menghadiri Program Jelajah Agrikomoditi #KeluargaMalaysia di sini pada Isnin.

## Kaya raya seludup minyak masak peket

**SEBAGAI** sebuah akhbar rakyat yang memperjuangkan kepentingan dan nasib jelata, *Sinar Harian* sejak beberapa hari lalu menekankan mengenai krisis minyak masak.

Impak daripada pemansuhan subsidi minyak botol tulen kepada orang ramai sememangnya nyata, apatah bagi lagi kelompok peniaga.

Walaupun kerajaan sememangnya tidak 'berpeluk tubuh' dengan menaikkan kadar bantuan kepada penerima Bantuan Keluarga Malaysia, tetapi hakikatnya tidak semua kelompok rakyat menerima skim bantuan tersebut.

Ramai peniaga yang terpaksa beralih kepada minyak masak botol sebagai alternatif dan sejak 1 Julai lalu mereka terpaksa membeli sebotol minyak masak botol lima kilogram daripada sekitar RM29.70 kepada RM42.70.

Rantai kenaikan ini sudah pasti akhirnya akan sampai dan ditanggung pengguna apabila peniaga mungkin terpaksa menaikkan harga.

Bagaimanapun kerajaan Malaysia juga tidak ketinggalan mengekalkan subsidi minyak masak peket pada harga RM2.50 untuk membantu rakyat. Namun persoalannya, ramai pengguna mengadu sukar mendapatkan minyak masak peket.

Malah ada peniaga kedai runcit yang mengaku sudah tidak menerima stok minyak masak peket sejak hampir tiga bulan lalu. *Sinar Harian* mempersoalkan mengapa minyak masak peket bagaikan ghaib di pasaran?

Ini kerana kerajaan memaklumkan telah menyediakan subsidi sebanyak 60,000 tan metrik atau 60 juta kilogram minyak masak peket sebulan, sedangkan keperluan pengguna sekitar 55,000 tan metrik. Ini bermakna tidak sepatutnya berlaku kekurangan minyak masak peket di pasaran.

Namun tidak menghairankan sebagai komoditi paling berharga ketika ini sememangnya minyak masak peket menjadi buruan penyeludup.

Apa tidaknya, apabila minyak masak botol lima kilogram dijual pada harga RM42.70, ini bermakna harga untuk sekilogram minyak masak tanpa subsidi ialah sekitar RM8.54 sen.

Dengan harga minyak masak peket RM2.50, jika penyeludup menjual pada harga RM7 sekali pun, mereka boleh mendapat untung atas angin sehingga RM4.50. Kalau penyeludup boleh seludup sampai 200,000 atau 300,000 peket, boleh jadi jutawan dengan jual minyak masak peket sahaja.

Dengan laporan *Sinar Harian* mendedahkan minyak masak peket dijual secara terbuka di online, bahkan banyak ditemui dijual di selatan Thailand, maka penguat kuasa memang perlu kerja keras untuk beberapa bulan ini.

| Senarai Harga Barang Keperluan |         |
|--------------------------------|---------|
| • Ayam                         | RM8.90  |
| • Daging Lembu Tempatan        | RM36    |
| • Daging Lembu Import          | RM28    |
| • Telur Gred A                 | RM12.45 |
| • Ikan Kembung                 | RM13.90 |
| • Minyak Masak                 | RM6.50  |
| • Gula Pasir                   | RM2.85  |
| • Bawang Besar Holland         | RM2.50  |
| • Bawang Putih                 | RM5     |
| • Cili Merah                   | RM9.99  |
| • Kubis Bulat Tempatan         | RM4.80  |
| • Tepung Gandum                | RM2.30  |

\*Harga (RM/kg) Sumber: KPONHEP